

# 永樂大典

卷二千二百十八

永樂大典卷之二千二百十八

六模

瀘

田糧

本州圖經志瀘州并三縣 官民田地塘八千七百五十三頃九十五畝  
 四分二釐五毫。夏稅 小麥九百五十二石九斗九升九合二勺九抄。  
 絲八千四百六十二斤一十兩三錢八分六釐。秋糧 米六萬三千  
 六百四十八石四斗七升四合九勺三抄五撮。綿花三千三百九十五  
 斤五兩六錢。麻六千七百四十斤七兩二錢。藍靛二百五十斤四兩。  
 本州田二十九萬一千八百六十二畝六分。正耗米二萬四千四百三十  
 三石有零。官民田地塘六千四百七十二頃七十七畝五分五釐。夏  
 稅 小麥四百五十九石一斗七合一勺。絲六千四百二十二斤四兩  
 七錢五分。秋糧 米四萬七千五百三十三石五斗三升二合一勺九  
 抄。綿花二千六百五十四斤七兩二錢。麻五千三百五斤七兩二錢。  
 藍靛二百三十斤。

永樂大典卷之二千二百十八

一

江安縣圖經志軍民田四萬三千一百四十畝六分九釐二毫七絲五忽  
 該糧三千三百三十二石八斗九升八合六勺三抄九撮九圭七粒五粟。  
 民地一千零九畝二分四釐。麥五十三石九斗九升四合三勺四抄。永  
 樂官民田地塘一千三百二十一頃九十三畝九分七釐五毫。夏稅  
 小麥三百九十一石三斗八升一合四抄。絲一千二百二十一斤一十  
 一兩六錢五分六釐。秋糧 米九千六十七石八勺四抄五撮。綿花  
 四百六十七斤一十一兩六錢。片麻九百三十五斤七兩二錢。藍靛  
 二十斤四兩。

納溪縣圖經志前代則無額數。今入籍軍民等由四千九百零六畝六分  
 五釐。該糧四百零五石九斗四升四合有零。絲四百九十兩陸錢有零。陸  
 地一百八十四畝六分四釐。今該夏麥一十石八斗六升令。永樂官民  
 田地塘二百四十九頃五畝七分。夏稅 小麥二十五石七斗三升二  
 合五勺五抄。絲二百六斤三錢六分。秋糧 米一千七百三十七石  
 二斗五升九合六勺六抄。綿花八十一斤五兩六錢。片麻一百一十  
 五斤一十四兩四錢。

合江縣圖經志田一萬七千畝。秋糧正耗米一千四百一十八石有零。

永樂大典

卷二二二八

永樂官民田地塘七百一十頃一十八畝二分。夏稅 小麥七十六石七斗七升八合六勺。 綠六百一十二斤九兩六錢二分。 秋糧 米五千三百一十石六斗八升二合二勺四抄。 綿花一百九十一斤一十三兩二錢。 片麻三百八十三斤一十兩四錢。

土產

本州圖經志謹按方輿勝覽云瀘州出產荔枝并茶。荔枝稍有存者考諸茶乃永寧夷蠻所出。去州三百餘里。瀘所產者無非稻穀綿花常物耳。五穀宜種不宜黍稷。其田燒薄皆山溝之間。不堪堤堰。風雨調則豐。亢陽則饑。俗名為雷鳴田。言雷鳴而得水也。 綿花民依山之高阜者多而種焉。業勤紡織。雖粗不細。而民實賴資焉。 荔枝州南十里。稍存其樹。葉青圓而冬不脫。二三月花。五月紅熟。肉薄味淡。 粟字記 大黃 杏仁 班布 花竹葦方輿勝覽鹽井羊陽圖志。土地雖迫。山川特美。鹽井魚池。一郡豐沃。瀘茶茶經云。瀘州之茶樹。夷俗常剪。取元其側。每登樹採摘。茶必合於口中。待其長然後置於中。故其葉其疾。時必置於腹處。故味極佳。荔枝社南過瀘川詩。憶過瀘戎摘荔枝。青楓隱映石逶迤。京中舊見君顏色。紅顏酸甜只自知。元一統志益有二。宋熙寧八年瀘南夷人獻納長寧軍十州。

永樂大典卷二二二八

二

土地隸涪井。涪井州南二百六十里。煎鹽南井。去州七十里。井竈在萬山之境。深入五十八丈有奇。五代以前。科丁夫充役。後以刑徒。推車汲水。煎煎甚苦。寶祐元年。知州事桑愈。改以牛具推車取水。立石鐫碑。元至元十二年。行樞密院下本州經理煎辦。十三年。王世昌竊亂。以木石築寨。十五年。定蜀四川轉運司。下本州與工開淘。自十八年為始。歲認課額一十二萬斤。十九年為始。起辦虧額。二十年四月罷之。

江安縣圖經志

土產大畧與瀘州同。

納溪縣圖經志

山多地瘠。居民不過耕稼。所飲亦薄。餘無所產。

合江縣圖經志

桑麻綿花麥稻常產之物。餘無所有。

土貢

本州九域志葛一十疋

山川

山圖經志 寶山。瀘州之負郭山也。當州之右。高平聳閣。延袤數里。每春人踏青於其上。以為眺觀之所。昔諸葛亮駐營於此。山上有武侯廟。今存遺蹟。方輿勝覽在瀘州城南。初名堡子山。為巡檢廨。陳公損之移廨山西。建堂其上。袁公說友。名其堂曰江山平遠。易堡子為寶山。皆大書揭之。下瞰

城郭萬瓦鱗集兩江合流郡國志一名瀘峯山高三十丈地多瘴三四月渡之必死唯五月上旬渡之即無害故諸葛亮云五月渡瀘即今之寶山李暹西山堂記云以常璩華陽國志及辛怡顯雲南錄攷之乃在越雋之地明甚非瀘之寶山元一統志諸山拱揖真勝絕也今碑字猶存又有西山堂相傳寶山即古之瀘峯李暹字季允作西山堂記以辨其非是下有木龍岩山谷黃庭堅所名方山瀘州之西南山也去州二十里青翠聳拔高方而平因名方山山有八面前二面之麓有二尖峯周圍巒峯共九十九頂山下有魏曹操廟與地紀勝舊志載唐天寶改為回峯山其山八面望之面面相朝於羣山中最高山根滂江江上有魏武帝廟華陽國志云方山之下有方山神又圖經祠廟門云去瀘川縣八十里不同然江安縣亦有方山上有神祠恐圖經指江安縣之方山也宋討乞弟陰雨喻月神宗皇帝封香禱馬有應遂賜廟號華陽山在瀘州方山之支山也在方山之東五里尖而且秀與方山對峙南奇山在瀘州形勢高峻岩壑秀異當州之南故名南奇山與地紀勝在樂共城西南三十五里名博望寨山高且秀晏夷平定守臣繪圖以進上意悅之賜名南奇又名御愛其林木有禁不採安樂山距瀘州東北五十里秀矗三峯形如

永樂大典卷三三頁八

筆架崗如馬鬣懸崖峭壁相傳隋有劉真人脩鍊於其上丹成而仙今丹竈之所土色朱紅在合江縣西五里其山三峯四四面皆壁俗名筆架山有泉泉在山之下歲早祈禱有應其山俱秀有溪及延真觀有石櫃為仙人藏經之所岐而左有爛柯跡後有仙人影隱隱在石壁中岐而右歷木楠臺仙人屋十二盤至剪盡疵循山有八州通南巖有石曰許由瓢又有芙蓉城滴水崖白猿洞此三峯之萃也什位遊安樂山詩安樂山上峯萬木森萃羽孤村切天心橫拓壓坤股氣擊西吞夷光芒南定楚雲泉出石竇淋漓灑玉宇烟蘿纏林梢搖曳垂翠組山有天符葉一夕大風雨拔去後得於谷子山如荔枝葉而長有紋如燕蝕宛如蟲篆或以為劉真人仙蹟蘇子瞻詩天師化去知何日玉印相傳世共珍故園子孫今尚在滿山秋葉室能神元一統志美字記云有瀑布千尺飛流天寶六年改為合江山范子長郡邑志云始劉真人珍卜居此山中曰焚通平蓋氣歇而不清江安方山氣濁而不秀成山而又清秀惟安樂山并遠定居焉水深發甘虎豹服役見山谷黃庭堅題行鍾山在江安縣南五里峻拔峭險圓如鍾形名曰鍾秀撥旗山在納溪縣城東北三里相傳諸葛亮豎旗於此山因名馬丁山在合江縣西南五十里其山峯狀如筆形因名丁山



容山。在合江縣東一十五里。其形如屏。四時樹木蒼翠不改。因名容山。元一統志。瑞鹿山。在瀘州城南門外二里。周保定五年。道士尹希岩開山。有白鹿來往山中。因以瑞鹿名山。鏡子山。王象之輿地紀勝云。在江安縣南五里。又名照山。一峯中峙。兩峯旁翼。二溪交流。大溪中出峯之脊。小溪出中峯之腹。葱蒨秀鬱。庵廬梵室。金碧交晃。旁有二潭。曰馬影。曰雲旄。為龍所居。早禱輒應。山有眠雲石。襲淵橋。玳瑁岩。磨鎌溪。清秀為一邑勝遊之地。今皆蕪蕪焉。輿地紀勝。三華山。自瀘州朝天門下一里許。遠山聯絡。朝郡治之後。不知其所以名。瀘峰山。郡國志云。在瀘州瀘津關有瀘峯。高三十丈。地多瘴。三四月渡之。必死。唯五月上旬渡之。即無害。故諸葛亮以五月渡瀘。相傳以為即今之寶山。而李臺西山堂記云。以常璩華陽國志。及辛怡顯雲南錄攷之。乃在越雋之地。明甚。非瀘之寶山也。丁公山。在瀘州安樂溪之左。高踰千仞。舟行數百里。隱隱煙雲間。上有蕭齋。碑磨滅難攷。銅鼓山。在瀘州少遠寨側。小龜山。距江安縣百里。嘗即其地置樂共城。方興築時。因取石有小龜全紋。俗因呼為小龜山。自其距登三絕頂。又有二山。名大連天。小連天。龍雲山。在江安縣北六十里。南岩。在瀘州南山之隈。西岩。在瀘州汶江西郡縣志。照山。在江安縣南五里。亦

縣之勝處。樂共城山。在江安縣。名小龜山。又有二山。名大連天。小連天。皆城之藩蔽。方輿勝覽。大連天。小連天山。在江安縣百里外。樂共城之側。江太平寰宇記。瀘江。在瀘州。按郡國志。瀘江。水中有大關焉。季春三月。則黃龍堆沒。關即平。黃龍堆者。昔尹吉甫子伯奇至孝。後母譖之。自投江中。衣苔帶藻。忽夢見水仙。賜其美樂。揚聲悲歌。船人學之。吉甫聞船人之聲。疑似伯奇。援琴作子安之操。在此。方輿勝覽。按辛怡顯雲南錄。及唐書志。姚州雲南郡下有瀘南縣。則瀘水當在姚州。李臺西山堂記云。郡得名為瀘者。蓋始因梁大同中。嘗徙治馬湖。江口置瀘州。蓋馬湖即瀘水下流。因遠取水以名州。汶江。在瀘州。漢書地理志云。汶江出徼外。從江安縣西南入縣界。東流入合江縣界。輿地紀勝。在瀘州。出岷山順流而下。東南過捷馬數縣境。又曰汶江。蘇代所謂蜀地之甲。浮船于汶。乘夏水而下者也。圖經云。東流入合江縣界。思晏江。在江安縣。從晏州流下。合流至綿水。郡縣志。內江。在瀘州。一名支江。自富順監界來。經安夷鎮。至州城北。凡一百六十里。入汶江。郡道元云。綿水西出綿竹縣。東經資中。又經漢安縣。至江陽縣。方山下入江。謂之綿水口。即此水也。云方山下未詳。或云以瀘州山之長者為古也。岷江。在瀘州江安縣西南入縣界。東流入合江。

方輿勝覽中江在瀘州一名綿水經瀘川縣北三里出楚金其地紀勝在  
瀘州元和郡志云亦曰綿水經瀘川縣北三里出楚金汶江在瀘州出  
岷山東流入合江縣界元一統志大江在瀘州西來橫州治之東中江遠  
州治之北二水合流於治之東北而下大江自叙州南溪縣入界中江出  
雄昌山歷簡資富順以至州治之北與大江合張昭云江陽為江雒之會  
是也涓溪在江安縣南來自長寧界而合大江並東下接重慶路江津縣  
界支江在瀘州城北自富順州界鴛鴦溪合流下經安夷鎮至州北一  
百六十里入汶江其色赤今與江合流處有涇渭之判焉鄭道元所謂綿  
水西出綿竹縣東經資中即此水也又赤水溪從昌州昌元縣界流入去  
合支江悅州江在江安縣從戎州部落悅州流下江安縣合入大江  
水元一統志綿水在瀘州舊經與九域志云自長寧軍流至江安縣一百  
五十步與汶水合江安古有綿水縣今為綿水鄉王象之輿地紀勝云當  
時去綿水必近也水經謂綿水出梓潼經資中至江陽入江即內江也與  
此不同故兩存之王象之引元和志云中江水亦曰綿水經瀘川縣北三  
里出楚金思晏江水從晏州流下合流至綿水清水圖經志在江安縣  
其源出自長寧縣北逾安寧縣復式伯餘里至縣城西達于江溪輿地

永樂大典卷三千三百六

五

紀勝赤溪在瀘州從昌州昌元縣界流入至赤水鎮合支江納溪寰宇  
記在瀘州源從牂牁王僚界流來入汶江元一統志源有三並來自阿水  
蠻界徽外至熟夷阿乞族合名三會水徑至納溪縣治之下西門與大江  
合於縣之東門王象之輿地紀勝云自永蠻部至江門寨有橫石中流涉  
水如門故謂之江門東入納溪寨以合于大江東溪在合江縣從牂牁  
生僚界流來八十里與汶江水合夜郎溪圖經志在瀘州其源自滇北  
經水寧漁漕三伯餘里北達于江亦名納溪其溪淺隄多石凡遇雨剝疾  
湍湧艱于舟楫自江口至溪源有三伯六十灘之名之溪在合江縣原  
出播南三百餘里至縣西南曲流三折狀如之字因名之溪安樂溪郡  
縣志在合江縣上流二脉一曰大溪一曰小溪發源從生夷界來過綏遠  
仁懷安縣寨二谿合流由安樂山下會於江元一統志來自合江縣南上  
接夷界至縣北入于江又安樂小溪來自東上接戎叙州界合大溪至縣  
東北入于江鄭維今此邑時其詩引曰安樂溪自合江縣西南山流入于  
江源遠莫測其所從其深廣可容大舟其平如鋪其色紺碧如玉其勢回  
環宛轉若有所避不忍遽棄山而阻於江也溪上多青木溪人莫得其名  
藤蘿栢竹禽鳥花卉四時無不可樂故名之曰安樂溪灘圖經志旗灘



永樂大典

卷二二二八

在瀘州西十里。江岸有巨石嶺。橫切江心。狀如旗形者三。俗呼為旗三灘。涇灘在瀘之西十里。其灘兩岸絕壁。下流有一石磧。流水淺急。相傳諸葛武侯射壘之地。俗名為射箭灘。其地北勝在江安縣南三十里。灘上有山刺天。瀑布飛下。側有卧石。父老傳為武侯誓壘之地。馬鬃灘在瀘州東十里。水流汎於積石上。狀如馬鬃。因名之。與地紀勝酒甕灘。在瀘州。凡舟自大江而下者。至此無所已。唯夏漲由納溪渡至石側。乃為白崖所衝。舟人畏之。及水低岸。遠則巨石特立。圓腹陜底。危然一甕焉。龍蟠灘自瀘州東去五十里。水交清。亂石之下者。曰龍蟠灘。舟人戒焉。井九域志清井在瀘州西南。二百六十三里。與地紀勝鹽井。在瀘州南。井鹽歲計四十一萬斤。陀魯井歲計二萬八千斤。池江陽譜荷池在瀘州阜民堂前。上架石橋。以達于壯猷堂。紹興三十二年。晁公公武築室其上。榜曰野航室。今廢。晁公賦詩云。平池積潦漲輕痕。宛若扁舟繫水濱。斷岸纒盈六七尺。低蓬恰受兩三人。巡簷悅目蒲蓮秀。隱几忘機鴈鷺馴。坐閱江湖好風景。不愁清瀨闊無津。故主池在瀘州即大江東北為之。各去城五里。紹興十三年。準令置。元一統志。天池在江安縣西十二里方山上。四圍皆十餘丈。旱澇水無盈縮。遇旱有禱即雨。

永樂大典卷二千二百八

六

宮室

樓江陽譜南定樓在瀘州芙蓉橋後羅城上。舊為水雲亭。紹興三十二年。晁公公武改建此樓。取諸葛孔明建安五年出師表語為名。自為之記壁。左右有李贊皇諸葛忠武侯像。及南蠻西夷地圖。其雄壯尤為一郡勝。廣袤八丈有奇。面臨資江。簷廡高明。庭宇爽塏。凡帥守會僚屬將佐商略軍務。多在此。右司范公仲藝書額。晁公詩云。水接荆門陸控秦。卧龍陳迹久尤新。初關驛外青山舊。錦里祠邊碧草春。更築飛樓瞰瀘水。擬將遺恨問洪鈞。南方已定雖饒富。北望中原正慘神。梁公介詩云。堂堂百尺樓。製作極華麗。山園與水遠。秀色相嫵媚。上無狐鼠窺。下有魚龍畏。賓友升清虛。夷落聳瞻視。南陸粗安堵。北鄙方舉燧。倚樓獨何為。尚下憂國淚。侍郎李公燾賦云。帝有熊之苗裔。乃退耕而俟時。或三顧以咨當世之務。乃翻然遂許其驅馳。奉命於危難之際。一言而鼎足之勢成。公安狼跋不可以久留。留芳。亟泝江而西征。兼弱攻昧。古所貴。矧吾謀之嘉定。於信義其何傷。芳庶幾漢後世之復興。維蜀則二祖之關河。芳先固基本足食。與兵寧崎嶇。岷阻之恃。芳指日還都于舊京。既蕩乎山南。芳亦漢屬乎樊北。涼州

若可以指呼。許下業業其將。按吾素定之謀。若盤走丸而弗出矣。孰敢蒙遜之既心。彼天公真不仁。雖雲長之仇不可不報。較計輕重。盡姑置此而專圖秦。嗟夫此行莫能屈。更撓敗乎東。死洛進取之途。繇此遂改轍。跨有二方。連乘其一。遭大喪而內外晏如。類忠正以勿夫。吾豈須臾忘漢賊。又懼南鄙之侵。閉關息民亦已久。顧獨試諸小蠻夷。西養其逆。莫詰問。不死三載。助出師視。初謀愈落落難合。諒非得已。而至于斯。吾因斯知帝王之窮。荒勤遠。適足貽後世子孫之憂。越蘭津為他人。當時固已厭苦其煩勞。豈無攻心之上策。頃月挫銳亦深入乎不毛。渡瀘水臨滇池。併日而食。則他可知也。收資財以給軍國。豈始簡牘之虛辭。問一歲乃出祁山。弔民代罪。公來獨何遲也。僕無所事於東。與南方舉全力而加諸當逆。漢賊斯蒲伏而投首。王業詐偏安於蜀都。攻益州之疲弊。託莫遂其良圖。慨東隅之得失。疇克收此桑榆。抑天之所壞不可支。故使至此極。植疆起什。吾意之區區。撥厥所元終。都攸卒。孔明之於昭烈。蓋無言不酬矣。又何負乎亂日。高樓驛然。壓繩若。俯仰千載。懷諸葛。德如伊周。過管樂。孰云所長非將略。變故橫發。巧言奪。倉卒應酬不踰路。本志先定。惟北伐。回兵南討。

水滸傳卷之三十八

路紆曲。言旋言歸。暫休息。祁山之役。最後出。魏人聞此。猶震疊。矧及當時用全力。摧枯拉朽。彼固弗敵。事不如意。八九且十。然亦何憾。孽匪自作。自茲已來。可惜。微外蠻夷。今畢服。不復弄兵。暨邛水。偃旗卧鼓。不頃一戰。我獨北望。傷宛洛。極目千里。氣甚惡。沈吟道章。涕零落。攘除興復。將馬託。登茲銷憂。聊假日。群人未孝友。賦云。惟瀘之北。二水互擊。上有岑樓。突兀新出。雲霞來舞。日月下觀。向斤斧之未聲。憶有孤亭翼然。冠之江山。呼而不回。萬景領而相違。胡此樓之乍架。紛戢戢以乘歸。吾聞樓長可得深井之水。思長可得古人之意。不誠而于弟功忽。念之深者。或變色於天地。今此樓高。而抱千載之想。宜物色之吾媚。非昔叛而今安。蓋感于中者異矣。方漢虎之逸去。慨羣雄之競逐。吟則梁父。有域含毒。應隆中之暇日。思赤子之血肉。若夫孟德眼中。芒刺吳蜀。孔明宵中。一家南北。發火德而未熾。何當藝而不熟。雖然。治外必由內。廩服遠將自近。始小盜窺戶而不剪。莫大盜之時。斃。劔則遂於孟獲。志本趨於曹氏。豈望中原。遼乎邈哉。夜從枕上。而屢至。馬一日以南。收即揚。而北指。臨岐發疏。剖肺腑。淚汪汪而落紙。雖鼎峙之國。署為狹。而此心之闊。尚彌乎八荒之外。嗟乎。以義燭世。賢否了。



然。以古燭令。君子見前。孔明義槩。欲見不可。元帥晁侯。是亦龍卧。亮心乎  
中原。侯心乎孔明。時不同而意同。思正乾坤。兩賢一盟。當玉帳之閑暇。侯  
舉酒以時歡。斜日上乎層欄。風弄袖而獨立。蓋如見燕代於戶牖。從萬里  
之羈執。樓曾何知。但臨水岌岌而已。陸游南定樓詩。行遍梁州到益州。  
今年又作渡瀘遊。江山重復爭共眼。風雨縱橫亂入樓。晚對樓在南定  
樓之右。羅城上。乾道梁公介建。取杜詩。坐對秦山曉之句為名。會江樓  
瀘為治。塔岷江之西。內江之南。二水合流。徑趨吳會。凡樓榜上下風者。皆  
蟻馬郡之通遠門外五十步。有亭曰瀘江。以為過客登岸盤礴之所。創于  
梁公介。再創于虞公煇。葺于曹公叔遠。廣立三門。其體雖具。然歷歲未久。  
漸覺荒涼。帥守尚書楊公汝明。從而更葺之。揭樓居以冠其首。橫袤六丈。  
崇二十有餘尺。欄檻簷宇。繪畫彩飾。煥然一新。始稱大國。候館堂堂氣象。  
下瞰江步。波光渺渺。一目無際。達人貴游。傑商鉅賈。漁人舟子。連艘御舫。  
悉湊其下。於是字其館曰江陽堂。曰卧龍樓。曰會江。取二水交流之義。舟  
行有所憩。客至有所館。祖錢行人有所寓。講行遊樂有所止。瀘之為館者。  
凡五。曰皇華。曰通津。曰留春。曰騎鯨。未若此館之為宏且麗也。是役也。費  
緡九百有奇。瀘川宰陳南金實董之。擁翠樓在瀘州雅歌堂之上。李公

永樂大典卷二百八

八

燾詩引謂春畦甘菊。今猶青葉。移梅擁翠樓下。忽已着花。戲成長句云。淳  
熙元年九月尾。菊未落。英梅破。藥從來。兩美難必合。今忽得此一笑。喜人  
吉地。瘴物失時。進忌太蚤。退苦遲。老夫亦豈不自覺。姑與飲酒。仍賦詩。思  
今芳草直為艾。封殖嘉樹寧少待。夕餐九華可無元。却期老歲於吾子。  
鎮遠樓在瀘州。即整暇堂舊址。李公寅仲既移堂於錦堂東偏。遂即此地  
建樓。高揖衆山。氣象雄偉。公自為記云。余之為此。豈因欲快一時登臨之  
樂。日視霄漢。俯仰歌詠。無者哉。事嘗伏於隱微。及其敏而圖之。斯可折衝。得與  
而厭難於無形也。朝聞底室。內屬之畏。戒謹故事。改季交介。違鄰不覺。價將  
於無妄。而謂鶴毒之可快。思蜂毒之可毒。雖欲樂此。得乎。吾將以鎮遠名  
樓。未敢從事於近者也。且繕甲治兵。訓士。固為邊備之常。然古今邊患。多  
起於貪吏之侵牟。視小利而生。豈以致遠。微生靈之不可樂者。故曰不恰  
細。得終系大德。况承方面之奇。而以是臨之哉。亭江陽。諧瀘江。亭在瀘  
州。通海門外五十步。為過客艤船迎餞之地。乾道八年。帥梁公介。撤茅為  
瓦。附城面江。高明爽塏。榜曰江亭。公自為之記。曰。瀘治大江之北。士大夫往  
來。乘舟者十八九。乾道元年。予被命遼朝。艤舟江上。時暑方作。升客亭而  
憩焉。岸陋湫隘。不可容足。私竊苦之。後六年。來牧此邦。謁客於亭上。視其

汙敗如故。而傾壓有加。乃命成忠郎權兵馬監押張侁擇地而新之。創屋十餘間。不侈不約。負山而臨水。睇望廣遠。心開目明。揖晨暎之光。覽霄月之輝。煙雲修習。風雨晦霽。景色各殊。或者謂郡之勝處。盡在乎此。予謂游觀之益。則欲擇其勝。行旅之益。則欲求其便。何者。水行而乘舟人之所同也。然四支百骸。窘束於尋丈之間。動作寢卧。皆失故常。疾風怒濤。為之憂恐。浮家而俱者。雖僮僕婢妾。慊然有不自適之意。行及郡邑。人人自以為得少休也。摩舟而出。左右前後。有屋室可娛。相命而趣之。列席而坐。載酒而酌。徜徉盤礴。灑然忘疲。豈不足以為行人之惠乎。夫物無小大。事無緩急。苟有可便利於人者。君子必盡心焉。環千里而臨之。身所居處。園圃陂池。極其廣。百步之內。候館弗葺。主賓相接。勞迎餞送。顧瞻棟宇。腐敗傾側。此而弗顧。謂其能善理也哉。凡我在官。推廣是念。謂一亭之廢興。係行者者之休戚。自今南面以長。民者重有弗便。勿萌諸心。而公家之利。知無不為。則書所謂克勤小物。異浮屠氏所謂善用其心者。其庶幾乎嘉泰四年。郡丞虞公林重建。榜以今名。嘉定十四年。帥大博曹公叔遠重修。增立兩廡。濬築後溝。以除浸漏之患。又廣立三門于前。始有帥府肅容氣象。元一統志在江臯賓錢之所。故相虞允文十歲侍父。棋漕潼川。登此亭。有詩。映

永樂大典卷二千二百六

九

水林壑影。顛倒濟川舟。揖勢崢嶸。東行萬里欲乘興。更待一篙春水生。嘉熙兵燹。西山邵博見此詩。嘆曰。此童遠大之器也。初。嘯吟亭。嘯吟亭在盧峯孔明祠之下。萬山前列。重岩疊嶂。如浪湧如雲也。令人應接不暇。舊有亭曰長嘯。歲久腐敗。帥守尚書楊公命瀘川令史大川撤而新之。復從東西開兩軒。復以前築。繪以修垣。每歲海九輒於是焉。講登高故事。視龍山馬臺。推興何歎哉。公有和史宰詩。居壁間。詩見文類。錦浪亭。東山亭。栢岩亭。芝石亭。自騎鯨館望東岩三聖院。僅隔大江。峭岩壁立。如列屏戟。連亘至聖觀音院。凡一里許。曹公最愛其勝。趣謀經營。為游觀之地。未暇也。既得召命。未行間。與郡士徜徉館中。望其地。謂可栽數千桃。當春爛然。江波上下如錦。視古桃源。可無愧也。聞者欣然。不半月。遂得千餘株。曹公即命於桃多處。立亭曰錦浪。公詩云。盧江東山。山史舟。騎鯨飛仙。歸木歸桃花。十樹樹春。畫堂作。錦浪亭。且題同郡士姓名。石刻在作堂間。又少北。岩石磷峒。嵌洞高下。立亭其旁。曰東山。又少北。則巨岩特立。其廣五十餘丈。尤怪奇。岩前巨栢。雙幹可三百年。名以栢巖。每遊人至此。必躊躇不忍去。旁有忠政鄧王祠。亦再新其門屋。少北。踰三聖院之右。有石洞。中設波淪禪師像。名其洞前亭曰棲禪洞。又其北。有小岩。特起。



# 永樂大典

卷二二二八

高三丈餘。上廣下狹。挺如瑞芝。名以芝石。因亭其右。即芝石為名亭之左。又有大面石。左右兩岩。夾亭遠望。連江隱蔽。大江環旋。不見去來之處。如重湖在其下。堆堞浮屠。相為掩映。真勝趣也。肅昭亭在瀘州朝天門甕城內。凡詔命之至。帥率官屬迎拜於此。宣詔亭在瀘州內城樓下之東。偏與班春亭相向。皆為屋三楹。高敞視他郡為壯。班春亭在瀘州城內樓下之西偏。白皓亭舊在瀘州鋪之側。後廢。郡人正字劉公望之。常題云。一作江陽亭。轉頭凡幾春。滯留渾為酒。行李尚因人。黃葉吟邊驛。青衫老去身。平生湖海願。鼎鼎欲誰陳。特凌亭在瀘州郡東北二十里。曲水亭在瀘州四香亭北。五柳亭在瀘州南定樓之左。淳熙間。史公臯建新亭在五柳亭之對。前有大池。今廢。摠木亭在瀘州郡東北六十里。得要亭在瀘州梁公介所創也。在寶山。止水亭在瀘州直錦堂之後。紹興間建。王公卿月詩云。秦刀餘地事無多。燕几凝香靜養和。聊爾命亭為止水。已殊駕說徑無河。舊聞淵默雷聲迅。更值林幽鳥語訛。童子縱教拋瓦礫。不知何處認清波。梁公介詩。鴛鴦渺半空。怒勢突千里。此豈水性哉。物有激之耳。方塘尋丈間。一泓清且此。鏡面燭須眉。水豎絕塵滓。道人修淨觀。此心如此水。不從苦海中。更放波瀾起。憩車亭在江安縣東北

永樂大典卷二二二八

十

二十里。解鞍亭在江安縣北五里。祠郡縣志方山神祠在瀘州方山下。宋朝討乞弟陰兩踰月。神宗皇帝封香禱焉。有應使者。按圖經以聞。遂賜廟號。俗號魏武祠。李燾辨之。與地紀勝龍祠在瀘州城。崇德廟瞰大江。下有潭。上有龍祠。歲旱。則州遣吏沉石匣。金龍于潭。輒應。廟江陽靖譜后土廟在瀘州郡之來岡曰堡山。稍下之曰寨山。地勢最高。俯瞰井邑。在昔為兵屯所寓。故號騎營在焉。紹熙壬子之變。本營之燕實倡之。爰徙置他所。其山先有岱宗祠。頗壯。據地之要。勝壘畢應。右為后土祠。視岱宗為僻隘。於君臣之義未稱。左為盧峯。即前號騎營故地。昔人於此。初北陰祠。以虔諸方雲遊慕道者。嘗取合江平蓋山。騰清廢觀額。揭之氣象荒落。久不能振。帥守尚書楊公從其右。占兩山之盤。審曲面勢。寔為要會。徙后土祠更初之。前為后土殿。後為九皇殿。揭騰清觀額於祠門。不特地氣上騰於后土。取義為稱。而所據之地。衆山朝揖。如拱至尊。岱祠俯居其下。分義俱允。九皇殿後為道紀堂。即緇黃所謂方丈。命主觀者居之。庖福幣廩畢具。右通舊觀。改初崇為雲堂。仍處雲遊徒侶。主以羽衣。俾兩相資。圖為丈計。最後得高阜。即此峯之頂。東西二山。扞如臺門。中貫內。江直衝其趾。築堂為遊息之所。扁曰群玉山。環峙以梅。取像揚州祠瓊花遺意也。



經始紹定壬辰之夏迄冬考成董其事者路鈴李大亨路分田允恭一毫  
不以役民也。龍神廟龍馬潭龍神廟號顯烈累封嘉澤昭靈善利福應  
侯事跡並見前譜。尋自寶慶元年以後至紹定元年遇旱輒禱禱必應。  
農田獲濟。勝響異常。會皇帝登極赦恩。應諸路州軍神祠。當經祈禱靈應。功  
及於民。合該封爵去處。今所屬依條保明聞奏。帥守尚書楊公即以靈跡  
上。乞賜加封。準勅特封博濟公。寔紹定己丑三月二十四日下。公於是年  
人日丙子。先告之以文曰。惟神潛茲泗潭。澤茲遐陬。德烈在民。錫爵通侯。  
汝明竭來。守藩屢沐神庇。聞于帝聰。易號博濟。祀秩大神。位列上公。郵傳自  
天。來賁珠宮。時當東作。敢為民禱。端月丙子。農諺相吉。去歲之歉。證實有  
因。及茲歲首。寧不疑驚。今日人日。環及丙子。吏職是憂。神其鑒此。帝休甚  
渥。神荷寵靈。博濟美名。為實之實。相我康年。綸音將至。擊鼓坎坎。當侈君  
賜。詰到之日。再告之以文曰。惟神司澤黔黎。受職穹昊。曰雨曰暘。靡不應  
禱。帝謂守臣。予嘉乃功。是陞公爵。慰爾撫封。袞衣煌煌。赤舄几几。博濟之  
名。實不虛美。自今以始。神其懋功。所濟愈博。渙號無窮。靈應廟靈應  
廟舊居南田。氣象渙散。不足以鍾斯文之祥。帥守尚書楊公每過而惜之。  
後得風門曹氏園故基。據江山要會。岩洞豁舒。地險景絕。疑為神物所宅。

永樂齋卷三三十八

會曹氏子數有異夢。驚寤不敢居。謀舉以求售。公以二十七萬五千錢得  
之。邑士時創桂華樓。請徒置其地。而改建新廟。馬公為規畫制度。為殿為  
寢。為雙松祠。崇庠廣狹。皆有成式。復捐縉以助其役。按神之在仙階也。號  
為北府。故郡縣置廟多居北。此山實占郡之東北隅。坐坎面離。非特正南  
嚮之位。而內外二江從坤離朝入。會于山趾。直歸于巽。坤為文。離為文明。  
巽居東南。青赤為文。是殆斯文之所鍾聚。出于天成。非人力所能致。且復  
面城瞰邑。萬懸燈火。俱在神光照燭中。則將陰相於多士可知矣。門前一  
水萬里。朝東北。尤快便。郡之有志者。能於是為用力以成之。一世龍頭特  
勝。內物耳。何止乙丑榜眼而已哉。郡縣志登天大王廟。在合江縣江之左。  
傳為涼王呂光靈異。暴著。過者必祭魚。寺江陽贊。譜萬壽禪寺。瀘  
之北有山曰北岩。下瞰百家之聚。其居岸內。水夏秋漲。潦狂瀾怒。湍激其  
趾。頽壞者十之三。里人建補陀岩祠於山之半。以鎮壓之。為閣三層。崇數  
仞。狀類宰堵波。或曰郡治所據無岡阜。茲實其屏障。是間也。非特以誓水  
固隄而已。帥守尚書楊公汝明。即其地而恢拓之。為屋數百楹。入門之左  
架虛設欄檻。面江咨雙流。扁曰水雲鄉。循右躡磴而上。為金像殿。殿之兩  
廡下為二閣。左曰送江。右曰望州。殿後為直指堂堂。後為毗盧頂。毗盧頂

後爲方丈。前架毗盧頂爲五峯閣。自殿而東爲鐘樓。絳構三層。與補陀岩間對峙。而略崇之。以術者言寺之青龍所係也。最上度百斤銅鐘以驚昏曉。中徙補陀岩舊像置焉。下爲枕帶雙流之間。取水經江陽枕帶雙流。據江洛會語樓後爲厨。爲庫。自殿而西爲藏殿。即補陀岩舊閣。而更張之。閣後爲雲堂。堂後爲衆寮。不數年而寺體具。金碧交映。林谷生華。鐘鼓以時。俱梵傳響。請于朝。賜額曰寶慶。北岩萬壽禪寺。寔紹定三年三月空日也。運使隆山程公遇孫爲寺記。開州史君金華應公鑄爲鐘。存記銘。昔先文類方寺之未初也。鄰壤有居民其祖嗜佛書。自寫四大部經。龕置于家。於後方題云。侯北岩寺成。施諸寺。殆若有物命之者。其子孫以是請額。與置之寺云。觀江陽讀譜。天慶觀南擁群山。左界岷水。虛壇挿斗。老木參天。沈沈然誠一郡之仙居也。聖祖殿最居觀北。脩廊凹凸。弗利走趨。朝謁者每懼不恭。帥守尚書楊公汝明議就觀之。東北隅額闕一門。從殿西廡而入。爰命相視其地。先自小草場巷路開拓而石梵之。俾道士程冲妙充住持。元其事。繼招廣安軍岳池冲真觀道士劉臨代之。仍命郡士康元壽摠其役。建門樓及更衣亭。展兩廡。凡若干楹。殿有腐壞未備者。復從而更易葺成之。於是宮宇既嚴。班列用肅。睹者知敬。先是觀無寮

舍。道侶散居于外。殿堂荒寂。頽毀半之。至是初三清殿。修三門。修兩廡。東廡之外。修復七星閣。西廡之外。得隙地。舊爲民所占。皆命他徙而鋤治之。建方丈雲堂。厨庫若干楹。俾安徒侶。庶奉香火。惟虔。自寶慶三年冬始事。至紹定元年秋落成。凡費四千五百八十三緡。鏹一百六十六貫七百有奇。州民先道源捐田助修建。從旣罷而用不及。田隸之常住。求資養衆云。庵江陽譜節庵。紹興元年王公卿月建在止水亭之北。開禧元年李公寅仲增築小亭於其前。圓以短墻。愈覺幽邃。隱然有別墅氣象。公詩云。花木新栽一徑長。小庵如款贊公房。心清要省鈴齋訟。公退空疑燕寢香。已約芳菲供几案。不妨真率醕壺觴。年豐頓覺民和樂。老子從渠兩鬢蒼。堂江陽譜寶山堂。寶山舊爲堡障所。故軍營兵司皆寓焉。居高望遠。最爲得要所。宜屋之以備防托。慶元間。右司陳公損之嘗築堂。制帥袁公說友名之曰江山平遠。其堂高數仞。下可建三丈之旗。每一風雨。不無高寒之慮。帥守尚書楊公汝明。自楮以上架標而中分之。上爲樓居。所眺益遠。移素額揭之。下爲堂。取孔明出帥表中語字。曰忠分復。築二亭以附益之。一曰隱映。迤迤。摘少陵杜公甫過瀘川詩語。一曰風物。熙熙。摘殿丞魯公文赴瀘州詩語。收攬一山勝景。與舊諸亭管風月云。整暇堂今在瀘州設



廳之後。舊在充繡堂對。紹興三十二年。王公葆立。李公時雍書其額。帥王公之奇詩云。炳若丹青敦德義。後人於此取良規。梁公介詩云。是邦無征。料。為吏不勞力。今年到官。初謀。訴頗紛集。大家張空簿。小家稱倍息。棄責爾未能。義取猶可給。風曉便革心。老我多暇日。夢回黯空庭。小憩華胥國。開禧元年。李公寅仲既即此地。建鎮遠樓。乃徙堂於錦堂之東偏。堂前拓地十丈許。雜植花竹。因舊名為整暇堂。嘉定八年。范公子長復移其屋于荷軒地。為阜民堂。乃廢舊設廳。後思威堂額改為整暇。思威堂淳熙十四年。張公志建。籌邊堂在瀘州。舊在小廳後。紹興十三年。李公瑑建。嘉定八年。范公子長移籌邊額置小廳上。此地遂呼明樓。蓋屋相接。下暗嘗設兩明樓于屋上故也。嘉定十三年。漕使汪公杲權帥事。以小廳上不須着名。復移籌邊堂在鎮遠樓下。太博曹公叔遠名樓下為德禮堂。用左氏傳管仲語。遂於明樓再立籌邊堂。額乾道六年。梁公介詩云。籌邊無它長。幸此歲有秋。吏無打門宣。民無夫業憂。史君來此邦。不旦肉食謀。有言天命之。為汝消窮愁。夷蜚及土酋。各異風馬牛。一醉堂上樽。莫運機與籌。此堂甚壯偉。咸謂復舊額為宜。淳香。即籌邊堂西偏。以瞰阜民堂下池。蓮得名。後乃廢。曹公叔遠復其舊。雅歌堂在瀘州。遂志齋後。梁公介詩云。壯士

永樂大典卷三百六

三

處紛紜。舉措甚閎雅。奕碁報戎捷。賦詩即鞍馬。功成談笑間。此豈矯情者。落落烏蠻鄉。聖化久陶冶。昔為矢石場。今作桑麻野。雅歌同民樂。造化亦我假。與地絕勝在州治。又有浮香亭。擁翠樓。壯猷堂在瀘州。與阜民堂相直五楹。其棟高五丈。尤為雄壯。政和四年。賈公宗諒建。梁公介詩云。方叔事南征。戎車簡以約。載嚴旂旒美。有輝軼衝錯。弓矢初不張。未信虜難却。何以觀壯猷。治外責其略。此豈數孫吳。况復稱衛霍。升堂誦遺什。九原不可作。錦堂在瀘州。整暇堂之後。舊為郡治正寢。紹熙四年。吳公總遷正寢于宸繡堂。嘉泰二年。王公大過始撤其前後室。獨存斯堂。刻其家藏御書於左右壁。世御書及古今碑附見。東廡為書籍庫。前後所刊板皆在焉。凡四十餘。阜民堂在瀘州小廳西隅。舊為宸章閣。以藏御書。王公勳徙御書于學之宸章樓。此閣遂廢。改為軒以臨荷池。嘉定八年。范公子長復撤軒為江陽書院。移整暇堂建其上。為今名。取周官倡九牧阜北民之意。臨邛魏公了翁為篆額。漢嘉薛公叔為之記。記見別集。鎮遠堂在瀘州郡圃之北。今廢。楊達記云。松竹桃李。四時交蔭。有堂巍然宏敞。于中寔賈公宗諒所建也。後為整暇堂。今為江陽書院。清白堂在瀘州斯文堂前。范文正公嘗送向綜為別駕。有歸書清白最之句故名。



# 永樂大典

卷二二二八

世德堂江陽譜在瀘州嘉定四年倅費昌遇以許公奕之延慶嘗倅是邦建於翁遠之前中繪許公父子像魏翁了翁為書額郡縣志尹吉甫祠堂在瀘州舊經載吉甫江陽人然史傳無考惟鄴道元水經載揚雄琴清英云吉甫子伯奇至孝後母譜之自沉江中吉甫援琴作子安之操此事水經附見於江陽今瀘多尹姓近世立祠曰清穆堂與地紀勝聽更堂在瀘州安夷門外傅氏園之後乃觀劉先生讀書處恩威堂在瀘州設廳後

北定堂在瀘州北岩帥楊汝明建吟風堂在瀘州倅廳館江陽譜皇華館對瀘川縣衙係舊小作院故址會者罷作院嘉泰一年帥王公大過撤而新之架屋二十楹門庭庫畧備續有吉復作院之舊郡乃即館為監作廨舍今但為葺治軍器之地不復為館矣通津館在瀘州開福寺下嘉泰二年帥王公大過建歲久頽越太博曹公叔遠重修留春館在瀘川縣治對之西偏帥曹公叔遠既改建監至後名之曰留春館門屋三間北向其後負州學山為屋三間旁為兩室可以為僚屬憩集之地又翼以兩亭其東偏因荔枝立亭曰酣紅其北立亭曰凝翠移花植柳成列欄檻掩映小徑步履頗有景趣騎鯨館在瀘州來遠門之外半里瀘之江山雅麗可以臨眺者城端則海觀而江許則瀘江亭而已海觀為州治燕集之地郡士過客

永樂大典卷二百二十八

古

不得輒登瀘江亭可待艤舟然有一人先之則繼至者無所寓泊論者欲然久矣帥曹公叔遠始買地于臨江民得拾餘丈又得以遠營東參拾丈乃為堂五楹旁為兩室西為門三間對堂為屋三間設坐檻以東眺正與江外東巖相直大江橫前景趣天地名曰騎鯨庶幾坐想李太白超逸之興官僚得以游息郡士得以徜徉無州治嚴鑰之禁過舟停泊亦皆遂得勝處尤為一郡美觀也齋江陽譜時齋在瀘州錦堂之後舊名覺齋慶元間范公仲藝建于衮繡堂後開禧元年李公寅仲徙建于此范公子長改稱絳仙舊舫齋在瀘州蝸牛廬之側今廢是公武春日詩云蝸牛廬畔舫齋前春晚風光絕可憐雲補斷山尤秀拔竹藏殘葉尚蟬娟船齋在瀘州小廳後深五楹齋外兩旁各置欄檻通往來欄外植竹竹外各為書室翼之翠梢掩冉窻扉互映幽閒可愛遂志齋在瀘州壽遠堂後舊號小船齋太博曹公叔遠多燕坐此以舊錄稱在瀘為遂志齋求其所而不得遂揭此名以寓坐右銘之意廬江陽譜蝸牛廬在瀘州壽遠堂東偏今廢梁公介詩云吏行散鳥驚文書委虫魚退歸小室卧萬事不關渠清風動竹栢爽氣來襟裾淡然眾所從自省還自如僮僕或相懷老夫維摩室喚作蝸牛廬翁遠江陽譜翁遠在瀘州舊為昂霄閣自清白堂前

無梯級而上。隔以花木。據山之絕頂。憑虛為欄。俯瞰大江。屢里伏其下。  
 舟船往來。一一可數。開禧間。虞斌建。即眉山程曠所建。江亭故基也。程曠  
 賦詩云。洗開叢篠。着危亭。便覺欄前眼力。潭峻嶺南。奔環邑屋。大江東轉。  
 出城根。身隨野艇。維官渡。目送冥鴻。到海門。老去此心如止水。祇須庭下  
 小池。盆會虞斌去。或者撤之。大夫士所共惜。嘉定四年。倅費昌遇。取前倅  
 許延慶舊額重建。遂榜今名。宋公德之。為書其額。翠壑江陽譜。翠壑在  
 瀘州斯文堂後。淳熙七年。倅許延  
 慶建。嘉定三年。倅姚自舜重脩。

# 永樂大典卷之二千二百十八

永樂大典卷之二千二百十八

十五